

皇明經世文編

皇明經世文編卷之二百五十八

華亭

宋徵璧尚木 陳子龍臥子

編輯

徐孚遠闇公 何 剛愨人

陸慶臻集生叅閱

趙浚谷集

議

趙時春

修濬通州閘河議

通州閘河

謹按 國朝肇基南都定鼎北畿聚天下之兵置之燕代所以扼狂胡之吭運四海之樞然供給重大經

費浩繁，雖有督亢之饒，河濱之沃，猶不能當十之一。故往往漕吳越之粟，越呂梁之險，跨齊宋之郊，檣帆如雲，咸奉京師，遠涉萬里，近者不一旬月，然皆方舟而至，曾無雞犬之虞，此則漕運之効，而謀臣策士之功也。況通州距京師曾不數舍，而令財力屈於傭佐通州平薄又無重兵不若直抵大通橋貯米京師爲省也，漕功隳於垂成，損軍國之實，傷力臣之心，姦盜萬端，費用百倍，誠如明詔所諭。苟欲修漕，竟達京師，實爲至便。然百年以來，議者曾不是顧，竊窺其意，必以爲通州之於京師，地勢崇卑，旣異水性，又沙漲淺角。

難於利涉。兼以發謀首事。智士所憚。工役芟芻。所費無省。及遊食嗜利者。根據其中。幸而不爲盜賊。此則執事者之議。而大利所繇以不興也。臣請一一析之。使議者杜口。無所復爭。夫通河之於運河。其勢大小難易。至不相侔。答人以其大者爲易。而今人反以其小者爲難。昔人能創無前之績。而今人不能補其滴漏。此愚之所以深爲執事者負也。其至可疑者。夫呂梁積石。何如五十里之沙。南陽決塞。何如五十里之役。縱使稍有所費。豈若車輓有歲。歲無窮之用哉。而

乃以發謀首事爲懼。又不能風化頑巧。使不爲盜。而徒以利誘之。未矣。愚以爲宜如明旨。簡疆毅任事之臣。捐數年之估。直予之召募。自便濬疏水道。修治故闢。整飭舟楫。則歲額之粟。可致之枕席之上。陛下垂拱而享天下之奉。無內外之憂矣。

破虜口外議

禦虜口外

逆虜僣灘席。去年刦掠京北之威。資近日市馬段帛之利。誇示迤北羣胡。脅誘塞上妖賊。好爲謾駭。包藏覬覦。故於五月二十八日至大同而遽退者。實聚其

徒使覘我之虛實。而歸收其部落。以待入寇之期也。
伏唯 聖明御極。道格神天。仁洽寰宇。非獨中原生
民。讐恨於虜。思一奮劍以殲兇渠。雖其族帳部落。亦
有面是心非。觀望成敗。而不肯遽進者。故禦虜於口
外。制之於初至。未定之時。爲力似難。而實易。何也。進
則有重兵阻險之阨。退則有廬帳水草之安。又俺灘
恃羣虜之助。有輕我之心。羣虜仗俺灘之強。無備我
之實。我出其不意。襲擊俺灘。必破之道。前虜失利。旣
聞羣虜相率西走。古北以東。自不能至。李靖以三千

勁騎擒頡利。霍去病以八百精兵破匈奴。此其比也。故曰爲力似難而實易。今不出兵早制。使虜踰險。皆有必死趨利之志。在我失據。各懷首鼠進退之憂。戰一虜則衆虜狎至。是變主爲客也。所傷必多。勢必難支。故愚竊以爲必不可。

民兵議

民兵

照得義勇招兵事起倉卒。隨方就宜。原無定制。近來事勢率皆權宜。不可典要。封疆之臣。祇承上命。急救目前。請畧推源委。先辨大體。體勢既定。而議自明。

竊唯本朝建都幽燕。雖有山險。反與虜共。其大體以
兵爲守。不言可知。自上下四十八衛之虛。變而爲十
二圍營。十二圍營又虛。斯變而爲十四萬戎政。戎政
雖有十四萬衆。然皆市井孱弱。強名以兵。而實不能
爲兵。主兵者知其不足用。故不得已而選邊兵以入
內。邊兵外徹日虛。則各邊備單。戎益生心。內戍日久
則玩侮將生。事變叵測。蓋昔者土木興難。而二石之
禍作。流賊構逆。而四家之軍橫。縉紳血刃。都民震驚。
○斯○時○亦○出○情○各○邊○人○窮○原其所以全仗邊兵而內無強兵以相應故也。天下

大體如人一身外有五官以應用內有五臟以運五
官缺一不可國初京衛上下四十八萬兵而宣大止

十六萬兵遼東不過八萬陝西及寧夏甘肅不及四

萬舉各邊之兵僅當京師之半而陝西半於遼東遼

也唐都關中而天竺之時積重在此幽薊故變起

東半於宣大遠於京師則輕近於京師則重譬諸身

大於臂臂大於手手大於指故能相使其勢然也今

京兵輕於宣大遼東而三鎮弱於陝西其勢有異焉

而甘肅之至通薊返往萬餘里人情有所不堪不可

以為常故不得已而招民兵朝制養軍至厚甲器

即唐人檢府兵之意

月糧衣布草料。動皆官給。而馬有旬日死者。卽補。太僕寺歲備馬數萬匹。每匹於民間價費三五十金。工部衣器稱是。各歲費金以百萬計。戶部兌軍及銀易糧。又數百萬計。皆官財也。而解補起調。爲費尤多。節日旣繁。侵漁易滋。故朝廷有養軍之費。而軍無受惠之實。公私困窮。而貪濫盈溢。軍益以不振。邊將益不能治軍。故不得已。而用憲臣。今初選民兵。起自庚戌。十月至辛亥。暮春。經歷半載。芻峙餼糧。衣履百具。一切出於徭銀。夫邊軍養之於百年之久。經歷創繼之。

人不知凡幾。而昨調來者。率半槌而無利器。驅羸馬而身僑負。日給行糧一升五合。既不足食。而唯尅減馬草料以自養。馬食山草。羸疲多致倒死。軍以打草費口。遂不能兵。益戰以馬爲勢。以兵爲用。今乃枉費錢糧。不知戰勢。故聚衆三十萬。費財踰巨萬。而其氣象。萎索。王兵者。終不收言。戰守而卒歸於市。市卽和也。易名以自欺耳。而君臣大義。華夷大分。經常大典。遂將泯滅。職大有憂懼焉。夫民兵之徭。銀出徭入。兵固無侵漁。其馬自徭交。兵縱有私焉。不歸兵則歸徭。

藏富於民兵之間，而強兵於俄頃之際，馬壯人雄，器械偉利，是皆伏賴休庇，謀足致兵，政存惠民，故以四千人一年三月之間，人費三四十金，比之十年養三四十萬之衆，歲用巨萬，其費孰多？又况百年乎？故劉晏造船給千緡爲省，而後人造船給三四百緡，反費蓋費者有成而省者無成，故也。然則民兵今日之大勢可知矣。且官軍每月糧一石，率費三石，而尙不能致。每歲官軍支月糧一十二石，而民已費三十六石有餘矣。而加以冬衣花布之類，又有費焉。其馬每日

給草一束。每束脚價九分。而料與草之價。日費一錢。有餘。仍復羸馬。今民兵工食養馬之費。日給一錢。止當邊軍草價耳。况各道快手徭十八兩。俗已倍加爲

三十六兩。其行已久。而各里民馬長差。亦日給一錢。

其論甚省。國計但恐不能樂處。止可備州郡耳。

故職愚以爲徭銀給兵三十六兩。蓋取准於此。而其未有徭者。悉如部文。以不堪快壯工食給之。有急則調以護邊。平居則養以制盜。若其創始之費。與去冬調選之費用。及有司先事預給之失。則已具在台鑒。而不容重論也。又有疑此兵難散者。此又有大說焉。

今天下未能去兵亦明矣。縱京師不用此兵，而山東
留此兵于七兵備道中，亦未爲多。近日李邦珍、孟尚
守之類，累累竊發，蓋因與虜市，以致忠義之情憤沮，
兇豪之氣恣肆。若復去兵，何以威衆。大上以德，其次
莫如猛，強兵以備不虞，威猛之大者也。職之不欲仕
久矣，蓋亦曾屢陳奏。聖治政本，當時罪其迂，今以
兵事被用，職專在兵，臣子之義，逆知將來之變，心知
不可而口不能言也。近蒙兵部議覆，何都給事中等
奏稱議處民兵，以便戍守，行令前來，再爲從長審處。

庶爲經久可行，題奉欽依，備行到職，蓋將爲兵民深
長之慮，是以少布芻蕘之愚。若夫以德化民，五兵不
試，乃平日之所晞慕，但今邊事方殷，未敢爲此高論。
度時審勢，寔出下策，遠愧古賢，近負台訓，實懷慚怖。
倘蒙獲罷，不勝至幸。

序

楊提學大寧考叙

大寧考

書稱戎狄荒服，周公兼夷狄以寧百姓，孔子內中國
外夷狄而成春秋，聖人之慮深矣。皇朝象天樞以

定都大寧故地密邇包荒殘明列於采衛之間茲豈
欲軼虞夏而超周孔哉亦權時度宜以安人耳曩時
春爲宮僚唐子順之曰嘗聞之都御史王公大用云
厚賞以復故地是爲上策時春以爲未然恐褻國威
以啓戎心莫若垣山壑谷結廬屯戍乘高瞰下而田
其中置爲永業廣不踰六百里里居百兵不啻六萬
人足矣今督學憲副長沙楊子之大寧考其深有意
於茲乎不然何其索之精而謨之淵也抑是考以泰
寧福餘爲足憂以朶顏據險爲足恃此爲北虜言耳

北虜之不能越三衛而南盜固矣。使三衛弱則且折而合於虜。其強也。安能保其爲畿甸之純臣乎。劉元海亦西晉之質子。而阿骨打者天祚之舞佞也。時春於是乎有私憂過計焉。若夫柔遠能邇。招徠折衝。此真大聖人之能事。而臣子之所深望焉者也。王公新召用。楊子舊職方。必大有以對揚洪休。而茂樹勲業。豈淺夫之愚慮所及哉。姑序以俟之。

雜記

北虜紀畧

此篇載凌谷集甚明近見陳芝臺司成所編明史
北虜之盛終于西南直吐蕃青海西海之地在松潘

才賞則以爲汪太函司馬作也然汪集實無此文

山外東北抵遼海絕朝鮮盡西北東三面皆抵海地

上太函在蔚乃萬曆中今所載吉囊俺雅皆嘉靖

以前事其爲沒各作無疑矣

也甘肅迤西一曰忠順王以元裔不能服哈密回夷

一曰尾刺部落止存數百騎一曰帖木哥以番僧爲

夫雖有虛號盡屬中國虜之枝蔓削矣弘治末虜之

強臣亦不刺酌酒斬小王子使者率其部落度莊浪

古浪峽南走雪山往往侵暴西番族帳族帳舊有國

初所賜金牌納馬賜茶號合當差法故設西寧兵備



守備以鎮撫之。蓋漢典屬國都護職也。亦不刺掠之而不能救。族帳皆怨。叛內侮。徃徃又致討伐。以是西番離心。差法馬少。入茶不行。而亦不刺遂雄據西海矣。自嘉靖以來。吉囊承火篩餘烈。據河套。有衆四五萬數。自賀蘭山後。度古浪峽。穿黑松山。入西海。伐之亦不刺死。長子幹耳篤思。其二弟析而爲三。嘉靖二十四年。吉囊侵西海。虜幹耳篤思全部以歸。居之賀蘭山後。以爲右部。自此寧夏赤木黃峽之口。無寧日矣。其二弟愈南徙。直松潘永寧山外。絕不與虜通。初

吉囊之西伐也。娶瓦剌之女。至是死。生三子。曩台吉等各分兵。俺灘阿卜孩。吉囊弟也。居黃河東。仍虜俗。欲蒸瓦剌氏。三子不從。遂大戰。俺灘敗。走渡河。仍居直宣大之地。又數失小王子貢約。亦相侵伐。近年以

即俺答也

來。俺灘阿卜孩得肆志中國。益桀驁。然西失吉囊手足之助。內攜小王子君臣之情。頻年戰伐。而驕侈淫縱。部衆亦厭苦。稍離心矣。其地西距娘娘灘。黃河東不過故獨石嶺。潮河川所逶之麓。所謂萬塔黃崖者。其衆男女老弱。不過四萬。凡東南侵。必徙其帳於北。

以避我搆巢。又置兵以護家防。小王子。故直南則入
宣大之間。極則西至紫荆關。東至永寧。四海冶。隆慶
居庸。直西則入大同。馬門以犯山西。自獨石嶺折而
東行千六七百里。方過太行山麓。由潮河經行之口。
以犯古北。東至順薊。南窺通潞。然臚胸。滹沱。京西諸
水。及都城。遮之。亦不能復南也。古北路甚險。故西緣
陵南白羊口。以出居庸關。後仍道宣府而歸。古北口
之東曰白馬關。曰牆子嶺。皆縮入古北口之東南。西
曰石塘嶺。大水峪。羅紋峪。匣兒嶺。又西曰渤海所黃。

花鎮皆縮入古北口之西南其山外夾墻則諸夷率
人之逋逃者曰陳捷頂色稱兒阿擣豆兒居之衆僅
合六七百猶中國山賊也常盜俺灘馬牧山深險無
如之何虜之折而東行一千六七百里此山之虜遮
之也中國置墻皆在山下山皆棄不守不足爲險自
此以東置墻皆如之緣川而行過山悉棄故迺遠而
難守然皆故大寧地以居朵顏者也其入貢而爲患
者哈哈赤又東曰喜峰口南直薊州又東曰冷口南
直遵化永平虜若犯此則在潮河之東又爲白龍江

所阻當犯永平遵化鐵冶不能至京師又東則秦寧
福餘地直遼左矣虜之特起新酋曰虎喇哈赤者衆
不滿千遼澤受東北諸夷水入海之路春夏秋三時
多淖泥常以三冬春初冰結時犯塞又遼人王忠入
構熟夷得千人自爲部長常以父事趙叅將傾募數
爲盜晨起必斬二人以祭旗率以爲常其惡甚於哈
丹兒陳通事者也虜中是技如此其名目可徵見者
今列於左方以備參考云

虜酋名目

小王子打來係罕

俺灘阿卜孩

大虜首大
同邊外

把卜亥

熟夷右北
黃草川

虎秃率賴

朵顏頭目近
邊住信夷

吉囊

在黃河南死有三子曩
台吉青台吉黃毛台吉

虎刺哈赤

大虜首在
遼東邊外

那麻真

遼東
熟夷

倘字賴

花當遠
于頭兒

捨力木

泰寧
熟夷

紅臉索羅

泰寧衛在
夾牆住

伯言哈答

此乃虎刺哈
赤尋殺之人

達火通倘不囊

俺灘部丁
小頭目

阿兒秃

夷首

哈哈赤

朵顏都
指揮

司吉囊

夷首

穩克兒

朵顏部
下頭目

瓦撒答

通事在
大同北

辛愛把都兒

子 倦灘

了頭智

脫脫部下夷人通事講開馬市者已

被掄

花當達子

在遼東辛愛外父

獲

把把

遼東住夷

花當駝立

近遼東夷首

把禿

差用夷人

把禿賴兒

其子辛愛婿也

訃不賴

花當部夷

我包阿卜

款遼東達子頭目

祖兒在

把都兒部下夷

哈喇

夷首

伯顏帖忽思

朶顏部精揮

引燒卜

朶顏夷首

安灘的

即倦灘亦呼倦谷

虎刺大阿卜

夷首

昔馬台吉

獨石邊外虜首子

阿刺處台吉

小王子部下

納林台吉

小王部 部下

青台吉

小王部下是吉囊 于疑有二名或俺

答清名

以脅我

夏十探台吉

夷首

錫刺台吉

小王部 下夷首

把都兒台吉

夷首

鬼林台吉

小王部 下夷首

各台吉俱吉囊部落蓋俺灘輩借名以脅我耳

皇明經世文編卷之終

皇明經世編

趙汝愚集

虜酋台吉

平露堂

皇明經世文編卷之一百五十九

宋徵璧尚木 陳子龍卧子

萃亭

徐孚遠闇公 何 剛愨人 選輯

朱徵與轅文參閱

唐荆川家藏集

疏

唐順之

早定 東宮朝賀禮制以慰羣情疏

東宮

是時先生為東宮宮寮故與羣廷二先生皆朝賀
臣聞古者豫建太子所以重宗社也太子既立則有

臨蒞之位有朝會之儀所以萃人心昭軌度也伏惟

陛下聖謨獨運深惟宗社根本之重早正東

世廟初建立中官一行素議儀文衍

宮儲貳之位以繫宇內之心者二載於茲矣曩以儲

得漢文之遺風

躬冲幼務存謙抑凡遇歲時令節及千秋慶賀令進

箋內庭此皆禮出從權時有待令皇天迪保睿笑日

昌雖龍德尚韜而麟姿益茂至於來歲首春又當天

下百官述職多士賓典衣冠咸萃於天都歡欣交通

千萬國咸思望元良睿哲收疑之光以思報陛下

曲成範圍之大德者其心寧有窮極哉而文華受朝

之儀缺而未講臣民稽首之敬抑而未伸非所以彰

主器之殊尊。答羣心之屬望也。臣愚伏願陛下俯
覽萬物作親之誠。大昭育震重暉之盛。特勅各該
衙門。凡東宮朝賀。一應儀注。早爲詳訂。鑿與麾仗。
一應法物。早爲擇補。務求忠謹端亮。以專羽翼。而資
保護。儀物旣修。官聯旣備。及茲正陽履端之辰。蒼龍
應律之候。羣臣請奉天殿朝賀禮成。卽詣文華殿朝
賀。皇太子。則離明之照。成于兩作。前星之耀。增光
紫極。而內外官僚之衆。四夷朝貢之臣。咸於快覩爭
覲之餘。興起其愛戴趨附之忱。各思恪共乃職。以對

揚 聖天子貽謀燕翼之休命者。又自茲益篤矣。

條陳薊鎮補兵足食事宜疏 薊鎮兵食

臣竊惟補兵如補敝衣。敝壞則易。而補綴則難。故叙補兵之說。凡五條。兵之與食。喫緊相關。故附以築墻工食及邊糧之說。凡三條。伏蒙 聖諭令臣悉心區畫。來聞臣不敢不竭其愚。伏惟 聖明裁擇。

一清弊源以收逃卒。臣閱軍薊鎮。究軍所以多逃亡之故。皆曰邊墻之工。卒歲不休。轉石顛崖。伐樹深澗。薊鎮不恃兵強。非恃設險。故視各鎮最弱。力辦不及。貸錢賠賍。加之各關夷人乞討無時。旬撫

月賞悉出窮軍。將官侵剋。毫釐剝削。文吏盤點。番增
漁擾窮軍生計。止是月糧。斗割升除。而月糧得入軍
腹者幾何矣。至如召募之軍。多非土著。不緣身迫窮
窘。誰肯自同罪謫。衣糧既不滿望。工作又盡其力。勢
如鳥徙。亦何足恃。兼以石塘古北。本號苦寒。地既虜
衝。土尤磽确。哨守之勞。已甚。資生之計。盡無。原與逸
肥之軍。一切衣糧不異。是以募軍之逃。已甚于他軍。
而石塘古北之逃。又甚于他處也。竊惟 國家歲出
築邊銀數十萬兩。而又令窮軍賠贖。歲給撫夷銀三

萬兩而又以累窮軍。臣不知其說也。今欲抽軍操練。

則一身不能兩役。墻工自須別議。至于撫夷之費。合

撫費取之于軍。此墨將之利也。

令督撫諸臣仔細計筭。如國家歲給穀用則已。不

穀則請于朝廷。別爲區處。一毫不以累窮軍。其將

官文吏貪饕之輩。重法禁治。但使窮軍全得一石月

糧。長孤畜妻。自然不走。至于苦寒之輩。緣軍士衣糧。

普天同例。縱欲加厚。其道無由。臣思得一說京邊折

銀給軍。皆是六錢五分。薊鎮獨是四錢五分。始者蓋

因本鎮米賤。權爲節減。原非經制。且夫權之貴賤。因

地瘦瘠。假如腹裏糴價五錢六錢。則窮邊斷是八錢九錢。奈何使苦寒與逸肥一樣同折。非稱物平施之義也。合令戶部量地均筭。自薊鎮苦寒米貴之處。照例給與折色銀六錢五分。在國計則本分之外毫末不加。在窮邊則同輩之中已稍優厚。其逸肥米賤去處。自不得援此爲例。若謂銀不可增。則如前時總制楊博所題鎮邊橫嶺事例。每年十二箇月。悉與本色亦無不可。如此百方體悉。庶足繫屬其心。不然。雖終日櫻以徽纆。猶難保其不掙鎖而夜走也。

一專責任以嚴勾補。照得薊鎮之兵自內地衛所抽往邊關。其逃邊關而潛回衛所。往往不補者。蓋自管衛互相推調。營官則曰衛所窩逃軍。納月錢而不肯解也。衛官則曰營官剝削軍士。以致之逃。而我無柰何也。營衛本為一體。而矛盾若此。則無官以兼制之之故也。該鎮得兼制營衛者。惟督撫。而督撫大臣專理兵機。勢不得親細事。其下惟有兵備道。合無請勅一道。以補軍責之。兵備其營官之剝削。與衛官之窩逃者。兵備皆得重法治之。營官以逃軍多少。而輕

弊莫病于

相護

重其罪。衛官以補軍多少而輕重其罪，併論衛官補軍之多少，與管官逃軍之多少，又以爲兵備功罪。責任旣專，缺額自足，其補軍之法，逃軍先儘本身，故軍先儘子孫，不足則均之同伍，均之同隊，以至通一衛之餘丁而補之，又不足，則取之城操正軍，于勾補之中，寓琛充之法，大率務如原額而止，然缺之于數，十年而補之于一旦，太急則人情不堪，合令督撫與兵備計議，量其缺軍分數，一年可補完幾分，年終如其分數而責之，其亦可也。

一定班戍以便人情、照得古北石塘一帶、曩緣旁近州衛、被虜殘破、因而聚募遠軍、當時聚者、迫于令而不敢不行、募者貪于利而不顧其後、及至戍所、營房亦無、晁錯云、人情非有匹偶、不能久居其所、此輩往往身寄窮邊、家懸千里、采薇之遺既久、及瓜之待無期、齋送屢空、衣鞋莫繼、始于潛返、馴致久逃、揆之人情、殊非得已、是以日逃日解、隨解隨逃、逃解相仍、徒滋煩擾、近者督撫開移、遠就近之例、臣亦有首逃區處之文、因而首者紛然、益可見其情矣、臣以爲不與

區處。則無以回逃者之路。若與改編。則又恐播居者之心。酌中二者。頗得一說。但係六百里之外。或分爲兩班。一班備春。一班備秋。或并爲一班。半年城操。半年秋戍。其在官則向之終身逃竄。孰與得半軍之用。其在軍則向之終歲浮寄。孰與得半年之間。既可稍近人情。又不改移原戍。詢諸逃卒。亦儘稱宜。且戍軍在其鄉。則食減支六斗。在邊則食行糧四斗五升。則是一軍止食半軍之米。在邊扣其餘米。亦足僱募半軍。待本處募軍足穀原數。然後將遠軍更議改編。其

五百里之內。及舊額之軍。不係以後採募者。自補原戍處所。絕不得援此爲例。

一處民兵。臣聞長民者貴。因事以爲功。則民不困而事易成。今薊鎮民力則已竭矣。不可以加矣。而薊鎮之兵與馬。方患其不足。查得永平府志書所載。本府原無民壯。正統末。胡虜寇邊。僉設民壯二千五百名。原爲備虜而設也。卽以本府備虜之設。還爲本邊備虜之用。閒時則州縣駐操。有警則就近守邊。度永順二府。可得民兵六千人。分爲二枝。每枝統以一遊擊。

督之兵備而隸于巡撫，閒時止用原設工食，守邊則給行糧而已。此爲官不增糧，民不增賦而坐得兵六千人也。又查得山東有馬民兵三千人，原爲薊鎮而設。今暫用之南征，事已則須仍還薊鎮。若使不用其人而徵其工食，以爲本鎮就近額募之用，則山東民兵每名歲該工食銀三十餘兩，三千名歲徵銀九萬餘兩。就此可顧募步兵七八千人。又查得薊鎮事例，歲該取腹裏減存民壯工食，以爲本鎮募兵之用。今此銀不知積之何所，但得銀三萬兩，足顧募三千人。

者爲之設處則無用化爲有用矣

無地無錢糧能

此亦爲糧不增于官帑。賦不加于薊民。而坐得兵萬人。也。又查得薊鎮缺馬。多從兵部充給。合永平一府。歲該解備用馬九百餘匹。若停兩年。該解之馬。又貼以遵化等縣寄養馬一千餘匹。以給薊鎮民兵。足成馬兵三千人。且京師之馬。不必給薊。薊鎮之馬。免于解京。互相抵兌。兩爲便益。其兩年之後。自照例解京如故。此所謂民不困而事易成者也。

一處班兵。竊聞聚兵者。先料其食。薊鎮主兵若足。原額將及十萬。即使月糧一半折銀。亦須本色米六十

萬石。歲歲轉漕。胡以辦此。則是舊額不足。正苦少兵。舊額若足。又苦少米矣。今補主兵。以免客兵也。免客兵以省費也。臣嘗計之。客兵每歲防秋。四月該支行糧一石八斗。主兵一人。每歲該支月糧十二石。出戍百里。行糧又在其外。主兵一人之費。足抵客兵七人之費。而有餘。主客之馬費亦如之。然則調客兵代主兵。計各處則爲增費。在薊鎮則爲省費也。補主兵代客兵。計各處則爲省費。在薊鎮則爲增費也。今欲米不增于薊鎮。兵不煩于遠調。惟是班軍可以經久。查

邊臣所以樂于調客

得薊鎮天津河間等衛春秋兩班官軍已有二萬二千八百八十二員名或於京班中再撥一枝兩枝或于班軍原衛抽補餘下一枝兩枝足成三萬人以充該鎮主兵之數而以遊擊十人分統之閒時則于原衛駐操防秋則於該鎮上班駐操則本處兵備監督上班則該鎮兵備監督其原衛官聽該管遊擊節制班軍如有老弱逃亡原衛卽與僉補此其糧不增而兵足所謂經久之道也

一築邊工費自來邊牆皆是軍民兼築今欲抽軍操

練所謂墻工自須別議其原編順天等八府民夫遠則徵銀顧募近則派夫上工若以派夫計之每夫一名一月該盤纏銀二兩百名該銀二百兩每夫百名一月止築墻二丈每墻二丈又該官給鹽菜銀十兩則是二百十兩之費止穀築墻二丈若以顧募計之每墻一丈該銀十五兩則是銀二百十兩該築墻十四丈矣顧募十四丈之費止抵派夫二丈之費是差却七倍來往若一槩徵銀顧募則官得七倍之贏民免去家之擾墻獲早完徵發亦息只是夫與價互換

之間而其利如此

一復本色以存久計照得薊州倉糧遮洋總二十四

萬石百餘年來元運本色並無升斗折色至正德末

年始議折十萬石嘉靖十二年又議折四萬石彼時

建議之臣偶見本鎮米賤糴價不上四五錢以為九

輕議折色

錢一石徵銀又以六錢一石給軍則國與軍皆有贏

羨又省造船漕卒之費是以輕議變法曾不慮及歲

有豐歉糴無常賤今年濼東饑饉一石折色不足以

糴四斗本色諸軍坐困菜色至今况自古轉餉以人

邊鎮重米不重銀此根本之事當時何得

權米。以米權銀。必主相稱。乃無偏重。彼時薊鎮原無大虞。聚兵甚少。故減米增銀。猶謂時宜。今聚兵至十餘萬。歲費主客銀七八十萬。而米不及十四五萬。一旦窘急。無處糴買。不得已則空運京師。脚價轉多。騷擾尤甚。非得計也。故臣以復本色爲便。又諸邊皆是陸運。故致米爲難。薊州一路水運。故致米則易。至于造船漕卒諸費。但取昔年未變折色以前之舊法。卽是今日欲復本色。以後之定規。故牘尚在。無俟他求。縱不能盡復本色。亦可先復一半七萬石。使該鎮每

年給軍之外，餘糧常有二十萬石在倉。然後更議減本加折，以多積粟爲先務。慮至深也。

一處轉般，以便支給。照得灤東一帶軍士，原在永平、山海等倉支糧。後海運旣罷，始移在薊州倉。薊州去灤東遠者五百餘里，自來未有往返千里而負糧者，甚至一石之米，不足以償盤剝之費。窮軍毒苦，不能盡言。前年虜酋入犯馬蘭谷，止因墻軍遠出支糧，瞭援不及，竟至深入破堡，殺將其爲邊境之害深矣。邊境之害旣如此，窮軍之苦又如彼，而卒莫有爲之處。

者、戶部重惜脚價也、臣竊計之、灤東之運、一歲須米三萬石、自薊州倉運至永平、急則驢駝人負、度用脚價八九千兩、緩則車載、脚價可六千餘兩而足、國家歲爲薊鎮費銀百餘萬兩、乃靳此百分之一。至使軍苦無訴、又使虜得乘隙、則是所惜至小、所損甚大、合無置一戶部分司於永平、使與薊州郎中相首尾、歲增脚價六千兩、其本色三萬石、與折色銀數萬兩、悉運至彼處支給、軍無遠支、邊不缺戍、計亦甚便、又臣所謂脚價者、非必歲歲而用之也、訪得灤東等處

大率十歲而九收，豐收之年不必運米，但取銀于薊州而糴米三萬于永平。本處則腳價亦自不用，卽以減存腳價亦作糴米本銀六千兩，銀可得米萬四千石。若十歲豐收則米當至十四五萬石，卽以此腳價所積之米，賤則糴，貴則糶，收其羨利還充腳價而本米常在，則十年之後所謂歲增腳價出于戶部者亦不必用矣。此亦富邊之一策也。則是國家所損至小，所利甚大。特在立法之初，戶部擇一有心計司官經畫之而已。

條陳薊鎮練兵事宜疏

薊鎮練兵

臣竊惟兵之精不精、係薊邊旬安危、薊邊安危有關係、非可容易、且夫薊鎮猶之家也、以兵爲墻垣、而以屬夷爲藩籬、猶之身也、以兵爲爪牙、而以屬夷爲耳目、故以夷情附練兵之後、伏惟聖明裁擇、

一定區帥以分練、夫官以久任成功、而疆圉之臣、尤更不可數易、臣至薊鎮、問某叅將、則曰到任纔數日也、問某遊擊、則曰到任纔一月也、是時已逼防秋、竊以爲將官朝來暮去、若此萬一虜入、得無債事難矣、

况欲練兵爲長久計乎。請以防秋之後，督撫諸臣遍閱叅遊等官，區別具奏。其不才者而黜之，其宜于內地者，調而徙之。悉取各邊將官，結髮慣與虜戰，有威名而識陣勢者，一缺具三四人以聞。而內地選悞，未嘗見虜之輩，與遊獵鑽刺之人，一不得與其間。陛下下下之兵部，而每區各定叅遊一人，以爲區帥。是謂以邊將練鎮兵，縱不得邊兵，僅得邊將。庶幾練鎮兵爲邊兵也。其人既定，約以三年爲率，不許陞調。弗有大罪，不得輒易。小罪則戴罪供職。大罪則卽于本處。

立功不得復還原衛。三年大計其功罪而賞罰之。下至提調關寨等官。亦准此爲例。如此則將官自知責無所諉。而不敢不盡心于練士。其士卒亦知將有常屬。而不敢不督率鼓舞以從其令矣。其與朝來而暮去者功相百也。

一雜邊兵以同技。臣惟練鎮兵以代邊兵也。將以代邊兵而不教之以邊兵之法。是織而不問婢者也。今

諸邊之兵。後雖以漸減調。而延綏遊兵則勢未能遽

○聞試中健者皆延兵也

罷虜人所憚。惟綏兵耳。宜及綏兵之未罷。雜之薊兵

間而教之。每薊兵百人。雜綏兵二三十人。授之以綏兵之長技。而試之以綏兵下營走陣遇虜鏖戰之法。至于號衣語言。無一人不效之。而與之同。又以其暇時。使綏兵談說虜人之情狀。與對敵勝敗之故事。以熟習薊人之心。而使之不懼。則異時邊兵雖去。鎮兵猶邊兵也。且夫虜人憚綏兵。而易薊兵也久矣。薊兵長技。號衣語言。無一不與綏兵同。使布滿薊邊者。皆爲綏兵。一旦奪其所易。而警之以其所憚。此亦攻心之一奇也。

一練火器虜所最畏于 中國者火器也 國初止

一火器至今日而精極矣然不聞以此勝虜何也

有神機火槍一種天助 聖明除兇滅虜而佛郎機

子母砲快槍鳥嘴鏡皆出嘉靖間鳥嘴鏡最後出而

最猛利以銅鐵爲管木橐承之中貯鉛彈所擊人馬

洞穿其點放之法一如弩牙發機兩手握管手不動

而藥線已燃其管背施雌雄二鼻以目對鼻以鼻對

所欲擊之人三相直而後發擬人眉鼻無不着者捷

于神鎗而准于快槍火技至此而極是倭夷用以肆

機巧于 中國而 中國習之者也往年京師亦嘗

造數百管其鍊鑄既苦惡而又無能用之者是以遂爲虛器請令東南軍門取其精者數十管而與善點放者數人至京師 陛下令大臣閱試之使知有此器而不用以保全虜人之腰領其亦可惜也

一申閱法臣竊觀 高皇帝以武功定天下深慮承平之後武備寢弛以啓戎心而定爲 御前閱試之法千萬里外亦分番迭上躬自校閱而嚴賞罰之載于會典者可考也薊鎮近在 犖轂下耳請于塞垣無事之時抽調鎮兵一枝兩枝至京師 令大臣于

教塲閱視其果練與否而明詔嚴賞罰之其機發于堂陛之間而風震于塞垣之外其帥臣常如天威臨之而不敢不盡力于教練其士卒常如天臨之而不敢不盡力于演習無有敢肆欺于聖鑒之所不及而虛應故事者矣此所謂執一實以御百虛之道也。

一調戍邊以試練夫以邊將蒞之以邊兵雜而教之其亦可以爲邊兵矣雖然猶未嘗見虜也見虜安知其不怯而却也宣遼二鎮與薊本相唇齒薊鎮有事

則宣遼自宜戍薊。異日薊鎮無事而宣遼有事請抽
 調灤東兵一枝兩枝戍遼灤西兵一枝兩枝戍宣。居
 常則以經阻險而耐辛苦。猝有虜患亦雜之戰兵之
 間而與為犄角。既嘗搏虎不畏負嶠。後與虜遇自然
 習慣。且夫昔以邊兵戍薊。今以薊兵戍邊。是練兵之
 成也。

一薊鎮夷情照得三衛夷人與諸邊異。諸邊之夷必

三衛之明係畿甸苟在有識皆知之近乃坐視其

聞之賊也。三衛夷人則不然。竊觀文皇帝出塞皆

彼于奴而毫無收拾之者何也

用三衛為前鋒。所謂以夷攻夷。則是以所向如意而

文皇帝亦豐金帛厚犒之。至于累朝亦儘爲不
侵不叛之臣。每盜北虜之馬以獻。而時時爲中國
陰訶北虜。累朝亦豐金帛厚犒之。後來邊臣與之
力爭一馬一紵之利。以失其心。是以寇盜竊發。至于
攻城堡。殺叅將。而邊臣又不分逆順。徃徃撲殺誘殺
之。是以激而導北虜殘。中國皆邊臣不知大計。不
識祖宗羈縻畜養之深意。激之變生。以馴至此極也。
由此言之。北虜得三衛則足以蔽中國之耳目。而
資其鄉導。以窺中國。中國得三衛則足以絕北虜

之鄉導而更爲中國陰訶北虜。蠢茲小醜，宜無足論。而邊境安危之機，亦畧可見矣。陛下于貢馬常賜之外，歲發銀三萬兩，與薊鎮爲撫夷費。此聖明并包夷夏，神謨英畧，同符成祖者也。今三衛雖資北虜結婚之勢，而亦戀中國歲賚之利。雖或被脇而鄉導北虜，以攻爲蝥賊，亦每效順而送哨。中國以私求貨賄，雖或利北虜之內侵，而拾其弃餘，亦殊苦北虜之經過，而殘其聚落。所謂赤子蜴蛇，勢未有定。且我之邊備三衛，纖悉必知，而北虜之使無日

不至三衛。每夜不收到三衛首帳中。無一次不見北虜使在其間。此其事誠不可不深長思也。誠使督撫諸臣震兵威以奪其心。捐財帛以結其心。時用秘計以携其交。縱不能使之以夷攻夷。亦可使必爲我耳目。而不爲鄉導。此在邊臣知大計者。方畧何如耳。御得其道。狙詐作使。此之謂也。又臣竊見始者北虜寇秋。今寇春。以至無時不寇。往年之寬佃谷。三月則寇。前年之黑谷關。正月則寇。昨年之河流口。三月則又寇。嘗竊恠之。以爲北虜在沙漠之外。又春月馬弱之

時縱是疾馳不應至此。及至薊鎮始得其說。蓋把都

兒打來孫二虜自嘉靖二十九年以後收屬東夷而

之東徙又過此矣可奈何

居其地遂巢穴遼薊間。馬路不八九日而至墻下。而

屬夷一二不逞者又爲之偵候鄉導。是以遼之前屯

薊之深東其患日尋而不息也。夫中國之與夷狄

譬如大家與盜賊爲隣。不慮其強而慮其近。近則我

之防備無休。而彼之抵隙又便。河流寬佃之失可鑑

也。合令督撫諸臣詳議。何計可以斷屬夷北虜之交

何計可以隔遠北虜使不得非時入寇。務求長筭毋

辦目前庶邊境有金城之安而免于無時不備之困矣。

三沙報捷疏

平倭

題爲仰仗 天威官軍出海邀賊鏖戰克獲奇功事
副總兵官盧鏜報照得本職親統遊兵都司楊尙英
等兵船出哨北洋四月初九日哨至三片沙適遇新
到大倭船二十餘隻并隨帶小船俱收本沙約賊二
千餘衆隨該本職分布各哨官兵船隻四路埋伏初
十日早各船奮勇齊進舉放佛郎機烏鏡噴筒火箭

并力攻打，犁翻賊船三隻，打破四隻，生擒真倭一名，共斬真倭首級一百一十三顆，倭器倭衣共三百四十六件，溺水死者不計其數，餘賊荒張，隨潮沿灘，收入三沙地方。見今兵船圍剿等因。臣竊照此二十餘船之賊，若是不上南岸，必上北岸；若上南岸，則江南方幸無賊，豈堪此賊破殘？若上北岸，則陸賊已將及萬，又添此賊合夥，如熾火加薪，勢將何止。今聚而殲之海中，雖捍禦于江南，實以分殺賊勢于江北。海賊既殲，陸賊自然破膽，且自來海中獲功，止擊歸賊，不

擊來賊歸則賊氣已惰。賊貨又滿。人既樂擊。擊之又
易來。則賊氣方銳。賊船又空。人不樂擊。擊之又難。擊
賊之歸如虎啗人而人殺虎。虎斃而人已殘。擊賊之
來如虎未啗人而人殺虎。人不傷而虎斃。然自有倭
患十餘年。其間擊賊之來者。僅往年朱家尖之捷。與
今日三片沙之捷而已。前此打破賊船。不分賊來賊
去。同是一樣賞格。人不知勸。伏望 勅下兵部會議。
擊賊之來。與擊賊之去。難易不同。另立竒功賞格。鼓
舞士氣。此爲上策。爲此題知。